

Acta XV synodi provincialis, uthgeschreven van dem wolgebarnen grafenn und hernn h. WILHELM LUDEWIG, stadtholder etc. sampt den E. E. wisen und seer discretenn versenigen h. Staten der stadt Gröningen end Umblanden, binnen Gröningen tho holden anno 1609 8 Maij, in bijwesent des E. E. heren LAMBERT HORNKENS unde ock des E. E. DODO VAN AMSCHWEER also gecommittirdenn des collegii.

Sessio prima hora 8 antemeridiana.

1. Is tegenwordiger synodus van D. RUBERTO WIPPINGIO, prediger tho Süethorn und ijm vörledenen jahre gewesenen praeside, mith ahnropinge des namen Gades ahngefangen, und nha geendigtem gebede dorch gemeine stemme der jegenwordigen broderen praeses eligert D. BERNHARDUS THE-

1) „Edelshemius” YY heeft „Eylshemius”.

2) „Finis” YY heeft: „Finis actorum synodalium de anno 1608. Sequunter acta synodi de anno 1609”.

ODORICI, prediger tho Gröningen, assessor ALBERTUS GUILHELMI, prediger thor Meden, scriba JOHANNES SCHRODERUS, prediger tho Westerembden.

2. Und sint nhalfolgende personen uth den 7 classibus deser provincien der stadt Gronningen end Umblanden gedeputeret und compareret:

I. classis Groningana: D. BERNHARDUS THEODORICI, prediger tho Gröningen, de E. E. RUDOLPHUS WICHERING, raetsher, senior, D. UDALRICUS BULTENIUS, predig. tho Haren;

II. classis Dammonensis: D. JOHANNES LAXTENIUS, pred. tho Holwijrda, D. HIDDO LAMBERTI, p. tho Farmsum, de E. E. juncker REMMER VAN BERUM, senior;

III. classis Loppersumana: D. JOHANNES SCHRODERUS, p. tho Westerembden, D. JOACHIMUS Zoor, prediger to Loppersum, D. LAMBERTUS HENRICI, p. tho Wittewijrum;

IV. classis Middelstumana: D. ALBERTUS GUILHELMI, prediger thor Meden, D. WESSELUS RHODE, predig. tho Cantes, D. WILHELMUS JOHANNIS, prediger tho Hüsingen;

V. classis Enerumana: D. ARNOLDUS REINBACHUS, p. tho Winsum, D. ADOLPHUS BESTEN, prediger ijn Wee, D. ALARDUS BESTEN, prediger tho Petersbüter;

VI. classis Adwerdiana: D. ROBERTUS WIPPINGIUS, prediger tho Suetorm, D. HERMANNUS THEOPHILUS, p. tho Leeckkercke, D. JOHANNES CUPERUS, p. tho Grijpsskercken;

VII. classis Oldampt: JOHANNES JOHANNIS, p. tho Wagenborch, D. WIGBOLDUS HOMERI decumbit, D. SAMUEL NETZ decumbit, absentes.

Uth Nördt unde Süethollandt sint deputati noch thor tidt nicht angekahmen.

3. Is nha averantwording der credentzen censura morum gehalten, und ijs (godtloff) under jegenwordigen predigern nemandt ahn lehre und levende straffbarlich befünden.

4. Sint gravamina classium omnium ijngenhamen, und D. HERMANNO THEOPHILO, pred. in Leeckkerck, und JOHANNI JOHANNIS, p. tho Wagenborch, dieselvigen in ordinem tho redigieren averantwordet.

5. Sint vorgangenen jhares synodi articuli revideret, und ijs tho traceren vörgenhamen:

6. Die 1 articulus sessionis secundae pomeridianae, dat deputati synodi des vörgangenen jahres solen gehalten sin relatie tho döhnde up den tegenwordigen synodum ehres belasteden und vörrichteden ampts. Beclagen sich deputati, dat sie solches uth vorfallender vorhinderinge nit hebben doen können.

7. Die 3 articulus van den abusen der kerckhöven up Sondagen mith tappen, zechen, kaetzen, spelen, ploegen und andern ergerlichen wercken, welches die E. E. heren Staten dorch ein ernstlich publicertes mandaet wollen vorbeden lathen, voerbeholtlich dat den armen schräggessellen up den Sondach des nhamiddages als ein nödtwendiges werck solches mochte togelathen werden, darmit se glickwol dorch ehre arbeit niemandt ergernisse geven.

Sessio secunda hora 2 pomerid.

1. Sint die twe gebrödere als ADOLPHUS und ALERDUS VAN BESTEN, deputati classis Enerumanae, ijm synodo erschienen. Wile averst solches ungebrücklich, alss hefft dennoch synodus resolviret, dat solches vor dithmael möge gedüldet unde nicht hernhamals in consequentiam getagen worden.

2. Up versoeck ABELI PRAETORII, pastoren tho Sandtweer, wegen etzlicher resterenden penningen bij dem commenduer van Osterwirum, dat he vörmöge der E. E. heren Staten apistil up sin avergegevenes request desulvigen bekamen möge, resol. synodus, dat se solches vör güet ahnsehen, darmith den klagen moege affgeholpen werden.

3. Up ingebrachtes request van der gemeine tho Oterdum wegen upbawung einer kercken, res. sijnodus, dat die E. E. hern gecommitherden sich solch ein christlich werck wollen lathen hertzlich befahlen sin, soferne averst noch nödich als wollen die deputati synodi darinne dohn.

4. Is MELCHIOR BALTHASAR, schoelmeister tho Oterdum, ijm synodo erschienen und beschuldiget, als were he nit membrum ecclesiae. Respondert und vörklaret der schoelmeister, dat he solches mith gelöffwerdigen getuchenissen anders bewisen wolle, vornomblich datt he ter Munte und Mittwolde dat nachtmael des Heren mith andern framen christen entfangen hebbe, welches ehme ock dem classi tho toenen uperlecht ijs.

5. De erste articul 2 sessionis antemeridianaes van döping der kinderen ijn husen. Res. synodus, dat die bij den 39 articul der kerckenordnung bliven sall, edder so ijn vörfallender noidt anders hirinne procederet worde, dat solches geschehe mith wolbedachten guden rade.

6. Die ander articul van dem Heidelbergisschen Catechismo nevenst der Nedderlandisschen Confessie blivet bij vörghander resolutie des vorledenen jahres synodi, dat eine jeder kercke ein ingebunden exemplar ijkopen sall.

7. Up den anderen articul in saken JOHANNIS CONRADI, pastorn tho Enerum, resolveret synodus, dat he citert worde.

8. Up flitiges anholden der broderen des synodi, dat eine eheordering mochte gestellet werden, remonstreret der E. E. DODO VAN AMSCHWEER, dat solches geschehn unde bij domino HERMANNO STECIAMANO, pastori Groning., tho bekahmen sij. Und woferne noch etwas darbi tho adderen nödich, sall solches van den deputatis synodi revidert unde gedahn werden, unde solches den E. E. h. Gedeputerden thostellen.

9. Van den papistisschen schoelmeistern unde kosteren, also to Spick, tho Uthusen, de koster tho Oldenkercken, schoelmeister tho Veerhusen, Hoerhusen, Warffhusen, Tinandel und Süetwoldt, resolvert synodus, dat solches dorch die deputatos synodi an die E. E. h. Gedeput. sall gelanget werden umme darinne nha ehrer discretie cum effectu ernstlich tho handelen.

10. Dat vermöge des 6 articuls sessionis 4 die verordente prediger bij de E. E. höveling UNNO TAMMINGA avermäl solen anholden und versöken, dat he dat beste bij den pastoren tho Wijnsum döhn wolle ijn vörmering sines stipendii.

11. De 7 artic. mith HENRICO JOANNIS, p. tho Woltersum, ijs affgedahn.

12. Die visitatie classium nha dem 8 articul sessio 4, dat die dorch die verordente visitatores classium geschehenn sall, wert noch consentert.

13. Articul 1 sessio 5 van erfulling des getalles der deputatorn uth cinem jeden classe ad synodum, sall dersulvige noch in effect beholden bliven.

14. Secundus articulus ejusdem sessionis van JOH. LOLINGIO ijs affgedaen.

15. Articulus 1 sessionis 6 van der collation der pastorie tho Menschweer, res. synod., dat ijn saken ADOLPHI BESTEN und ANDREAE STRATEMANNI de deputati synodi bij de E. E. hern Staten versoecken solen darinne tho remedieren.

Sessio 3 hora 7 antemerid.

1. Wegen der suspensie D. ANTONII STROMBERGH und THEODORICI PETRI, so se mith demodigem ersöken affgebeden, resolvert synodus, dat diejennigen, so in posterum suspenderet worden, darinne uthwachten sollen, und dieselve tho retracteren sich nit understhaen.

2. Dat vörmoge des 3 artic. sessionis 6 PETRUS LUCANUS, pastor tho Bedum, möge citeret werden.

Gravamina sessionis 6.

4 Gravam.

Dat die censuren, ijm vörledenen jahres synodo tegen enige predigers

gedecreteret, nit sint richtig ter executie gebracht, oft nicht darinne tho handelen, dat dejenigen, den solcke censura befaalen ijs und nicht vorrichtet hebben, sulvest tho censurere sint.

Resolv. synodus, dat solch gravamen nochmaels werth vortgesettet.

7 Gravamen.

Van underholding armer schöler und studenten etc. resolv. synodus, dat men möge vörsoeken bij die E. E. heren Gedeput., dat uth denn commendeurschoppen oder andern geistlichen guderen tho underholding derselven, so ijn scholen und universiteten leven, möge distribueret und mithgedelet worden, darmith nicht die herlichen ingenia dorch armodt ehre studia vorlathen mogen, we 1) solche exempla (welches to beklagen) vör ogen. Tho mehrem 2) behoeff mögen ahn städt der affgestorvenen mönnicken, abten und beginen ehre gehabte reditus darhen angewendet werden, darmith ock dese provincie mith gelehrden luden moge vörsehen worden.

9 Gravam.

Beclagen sich etzliche prediger, dat se die classicael kostenn nit beklagen können.

Resolv. synodus, dat die kercken, dar dat vörmögen ijs, sollen gehalten sin ehrem pastori die classicae kosten, also 4 dall. jehrlichs, tho erleggen. Woferne averst die kercke unvörmögen is, solen die pastores bij den deputatis synodi anholden, dardorch ydt den ahn die E. E. heren Gedeputerden sall referiret worden.

11 Gravamen.

Synodus resolvirt, dat vörmöge des 11 gravaminis van den eleemosinariis also möge beholden bliven, we idt ijm vorgangenen synodo geaproberet ijs, alss wen einer, die die allmosen hedde, vorstörve unde den erffnisse nalethe, oft die prediger ter plaetze niet mochte mith enige carspelluide die erffnisse forderen, oft ein stücke geldes tho behoeff des carspels armen.

12 Gravamen.

Van töverien, bijgelovigen segenen ahn menschen unde beesten, dat densulvigen per publicum edictum superioris magistratus mochte gewehret worden, res. synodus, dat der pastor der örder, dar sulches geschenn mochte, sall gehalten sin solche personen den deputatis synodi ahn to meldende, de ijdten den den E. E. heren Gedeput. sölen referiren.

1) „we“ YY heeft „wie“.

2) „Tho mehrem“ zoo staan beide woorden duiddeljk gescheiden in beide codd. De lezing „thom ehrem“ verdient aanbeveling.

13 Gravam.

Van lickpredigten te döhnde, oft solches up dem kerekhove edder ijn der kercken geschehn möge, resolvirt synodus, dat die acte des vorledenen synodi darvan gestellet bliven solle, als ydt den vöraff bescheiden ijs, dat solche predigen ijn der kercken geschehen sölen, darmith keine superstitiones de novo mögen ijnrithen, wor sich ein jeder sall wethen nha tho richten und deser acten conform verholden.

18 Gravam.

Oft collatoren unde gemeinte einen prediger bij provisie oft up versoeck ein jahr mögen ahnnemen, resolvirt synodus, dat solch gravamen ad classem sall devolveret werden, darinne tho dohnde nha inholdt der kerckenordeninge.

Dat die gravamina classium mith dem synodal protocoll 6 weken tho voren ter plaetze, dar die synodus sall gehalten werden, sölen aversonden werden, idoch dat dat convolut der colligerden gravaminum van dem einen classe ijnwendig 8 dagen tho dem anderen und entlich wedderum van dem lesten classe ad locum synodi avergesunden werde, vörbeholtlich dat die unkosten wegen schrivent und badeloens van den E. E. heren Gedep., denen ijdt durch classem sall angedütet werden, erlecht mögen werden. So averst enige hirinne ahne erheffliche oersake worden sumachtig ijn aversendinge gefunden, solen sie in arbitrariam poenam gefallen sin.

Die broderen des synodi hebben begeret, dat der ordt des synodi, dar he jehrlich sall gehalten werden, mochte verordenet werden.

Resolveret synodus, dat dersulvige propter commoditatem loci sine praejudicio classium alternatim ijn Gröningen und Dan bij praevisie sall gehalten werden.

Und woferne enige deputati classium up uthgeschrevenen und bestemeden dach nit ad locum synodi ankahmen, resolv. synodus, dat somanich nit worde ahnkahmen und gene erheffliche oersake hedde vor tho bringen, dat dieselvigen ein jeder vör sine persone uth sinen eigen buedell einenn ricksdall. thor straffe, ehe he tor session sall gelathen worden, in synodum deponeren und darleggen sall, die den ijn die handen der armen solen uthgedelet worden.

Sessio 4 hora 2 pomerid.

1. Der E. E. RUDOLPHUS WICHERING, raetsheer, hefft proponeret und vör-gestellet tho erfragen, oft ock prediger ijn desen classibus mochten gefunden worden, die niet offentlig ehre bekentnisse deser christlichen reformerten kerckenreligion in praesentia der Wederdöper und anderer doehn sollen.

Resolveret synodus, dat ein jeder classis darüp sine bekentnisse up sin gewethen darvan offentlig vörclaren sall, und ijs (godtloff) nemandt noch verdecktig noch straffbarlich befunden.

2. Is dominus WIBRANDUS GEORGH, pastor tho Warffum, ijm synodo erschienen relation tho doende in saken JOHANNIS CONRADI, dar hie als ein deputatus synodi vicinior sine commissie dermathen angefangen und geendiget hefft, dat synodus beth up praesentie JOHANNIS thofreden gewesen.

Gravamina generalia et specialia.

1 *Gra.* — Oftt niet raetsam sij, dat van dem synodo den deputatis synodi eine gewisse tidt beramet werde, dar sie an einem gewissen bequamen orde mögen thosamenkahnenn.

Resolvirt synodus, dat se thom minsten jährlich veer mael sölen thosamende kahnen, alls vorerst den 12 Junij Pingsterachten, und allsden dree maente nha einander oder sonsten nha ehrer sulvest discretie, alls ijdt ehnen und vörfallenden saeken nha mag bequaem und unbeschweret sin, also binnen Groningen oder sonst up einen bequamen ordt.

2. — Belangende de unkosten, so van den deputatis mochten ijn ehrer thosamenkumst wegen der classium gravamina dieselve ijn effect tho stellende uplopen, vörclaren sich die E. E. gecommitherden des collegii, dat de ijn desem synodo vorordente deputati solen vor ehre E. E. gүнsten erschienen, darum anholden und behulpliche verklaring darup vörwachten.

3. — Up der gewesenen deputatorum synodi ijngevent, dat ehre visitatie bethhero keinen vörtganck gewүнnen, vörklaren sich die E. E. heren gecommitt. des collegii, dat solches avermahl möge bij ehre E. E. gүнsten wider versocht worden, sall den gunstige verclaring erfolgen.

4. — Beclagen sich die broderen des synodi hөchlick, dat men nicht den Mennisten evenswol ehre exercitia vörbaden, als den Papisten und Jesuiten gescheen. Hefft synodus vör guedt ahngesien, dat D. JOANNI ACRONIO twe uth den broderen des synodi thogeorinet werden umb solche beschwering den hern börgemeistern und raedt vör tho stellende, und darup ein solch gunstiglich antwordt bekahnen, dat imgelicken den Mennisten ein mandat vorferdiget sal worden.

4 Gravamen.

Oftt ock die abc.boke, darinne die korten tein gebaden sthaen mith andernn secterisschen boken tho dulden sin.

Resolv. synodus, dat die deputati synodi bij den E. E. heren Gedeput. solen anholden, dat doer ein expressum mandatum allen schoelmeistern und kosteren möge gebaden worden, dat sie solche abc.boke affschaffen und die nijen, dar die tein gebaden vullenkaemlich ijn sthaen, kopen lathen, ock anders keinen catechismum als den Heidelbergisschen ijn ehren scholen exerceren und lehren sölen, darup denn die ministri der oerder, dar solche

gefahr tho vörmoden, gude achtung geven sölen. Insonderheit averst wert angeholden, dat dat Wunderboeck mochte vörbaden worden nit tho vorkopen.

Sessio 5 hora 6 antemerid.

7 Gravam.

Offt niet raetsam sij, dat die nije angenhamene prediger jährlich ijm synodo ehre testimonia tum anteactae vitae, tum vocationis ab ecclesia legitime factae, tum denique examinis doctrinae van ehrem classe, darunder sie sorteren, tho vörtönen constringeret werden, und dat se ijn datt classicael boeck der kerckenordering nha sich to confirmeren mith egenen handen unterschrivunge verbinden.

Resolvirt synod., dat dith in posterum sal observeret worden und up thokumpstigen synodo sall ijngebracht werden, dennoch sine praejudicio classis.

8 Gravamen.

Wert gefraget, offte die politissche overicheit und collatoren vör sich alleine macht hebben einen ordentlichen beropenen und confirmerden prediger, sonder vörghaende advijss und resolutie sines classis und des synodi, in praejudicium fraudemque ecclesiae et classis aff tho dancken und ijn sinen respective kerckendeinst tho vörhinderen und beletten, gelich ijdt classis Groningana et aliae classes ungerne vernamen van enigen redgern und richtern up sommige plaetzen gescheen tho wesen.

Resolvirt synod., dat wen ein prediger sich dermaten mochte verlopen, dat he nicht mehr ijn sinem dienste tho düllden, sall he dorch den classen mith advijs der collatoren, so der waren religion thogedaen, removert und affgesettet werden. Idoch sall die suspensie bij dem classe allein sthaen. Im falle mangel bij den collatoren befunden worde, dat men refugium sall nehmen ahn die hoge avericheit.

9 Gravam.

Wert ock gelaaget, dat enige kerckvogeden, schoelemeisters, kosters und kercklicke personen befündenn worden, die nit membra ecclesiae sin, dat darin bij tiden möge vörsehen werden.

Resolveret synodus, dat schoelmeisters und kosters sölen lidtmathen sin der kercken. Im fall sie ijdt nicht wollen ahnnehmen und sich dartoe bekennen, sollen sie van dem classe removert werden.

Van denn kerckvogeden wert mith angehengerer discretie gesettet, dat diesulven allersiets möten fautores religionis sin, dewile men sie tho lidtmathen swerlich bringen kahn.

Ist synodus ijn erfahrung gekahmen, dat die kerckvogeden tho Petersbüer HARMEN DOENS, und tho Leensen JOHAN FRATUM up Passchedach und Passchemaendach die papistisschen exercitia ijn ehren husern geholden.

Resol. syn., dat bij den E. E. h. Gedeputer. durch twe personen dessolches sall ahngedienet werden, darmith den andern thom schrecken ein exempelp möge statuert worden.

11. Gravam.

Offt die kosters unde schoelmeisters mögen collectoren, schattbürrers und weddemans thogelich sin.

Resolv. synod., dat solches ijn vörghaenden synodis resolvert sij, dat se ydt nit sin konen, welches noch geapproberett wordt. Indem so sie sich solcher ampten niet entschlahen, sollen sie ehres ampts entsettet sin.

13 Gravam.

Dat oick die unbehoerliche und privata autoritate gemakede combinationes pastorum afschaffet worden.

Res. syno., dat desulvige solen nhabliven und, dar sie befunden, daetlich sölen affgeschaffet worden.

1. De pastor tho Esingen hefft Saexüm.
2. Die pastor tho Garnewert hefft Ferwertt und Oestem.
3. Fredewolt, dar 9 kercken sin, is de frage, oft die van einem pastoer mogen bedenet worden.
4. Der pastor tho Winsum hefft Oberum, Benningweer, Marhusen, darvan dat lateste alleine disputabel ijs und vorhen bij Ranen ijs combinert gewesen.
5. Die pastor tho Baffelt hefft Tnandel und Ranen, dar Baffelt alleine sufficient ijs.
6. De pastor tho Saxemhüsen hefft Nijelandt unde Menscheweer, dar Saxemhüsen alleine kan einen prediger holden.
7. Leensen ijs gecombinert mith Suerdijck, dar Leensen ock genoech ijs.
8. Pastor van Ulderum hefft Nijekereken und Fledorp. Begeren, dat Fledorp und Süerdijck mögen combineret werden, den se ock einen egenen pastorn holden konen.
9. Die pastor tho Petersburen hefft Veerhusen, dar Petersburen sulvest sufficient ijs.

Sessio 6 hora 2 pomerid.

1. Is vorerst JOHANNES CONRADI, pastor tho Enerüm, ijm synodo erschienen und van den broderen des synodi ehme uperlecht sine beroping tho tönen.

Resolvert synodus, dat sine beröpinge, dewile he die meisten stemmen hefft, vör dithmael vör guedt erkant sij, dennoch mith einer scharpen vermahninge henferner christlich und frömlich tho leven, des he sich erbadend und angelavet.

2. Idt hefft THEODORICUS PETRI, pastor tho Suetwolde, dem synodo klagelick tho erkennen gegeven, wo he sines deinstes entsettet sij, mitz dat ehme noch vorgundt sij dith jahr dar tho bliven, averst keinen dienst tho döhnde und ijm vehehuse¹⁾ tho waenende. Voersocht, dat synodus möge vor ehm intercederen, dat he sinen dienst vörwalten möge.

Resolvert sijnod., dat die E. E. jüncker SLICKINGA door twe offte 3 personen uth dem middel des synodi möge beschicket werden tho vörsoekende, oft men ijdt nicht dahen bringen köne, dat he sin ampt dit jahr wedderum beden en mochte, mits dat he ahnehme up kumpstigen Osteren sinen dienst tho vörlaten, dennoch mith anlavinge dat he sich yn sinem dienste also verholden sall, dat he keiner vorbitteringe ijn worden und wercken der säcken in specie gedencke. Welches THEODORICUS PETRI also ahngnahmen, mits dat die E. E. heren Gedep. wollen versehung dohn, dat he underdes thom andern dienste mochte befordert worden. Sint derwegen dartho verordinert die E. E. DODO VANN AMSWEER und ock die E. E. REMMERT VAN BERUM und D. ALBERTUS WILHELM, pastor thor Meden.

3. Dat synodus vör guet hefft angesien, dat enige deputati uth dem middel des synodi ahn die E. E. heren Gedep. mochten ablegeret worden in saken alss folgett:

1. Vorerst dat die plaetzen int Westerquarteer mith predigers mochten vörsehen werden.

2. Dat die E. E. heren Gedep. wollen vorklaren, dat ock den Mennisten alss den Papisten ehre exercitia mochten vobaden werden etc., unde ock ahn den kerckvögeden tho Petersbüer und Leensen, so den Papisten ehre exercitia ijn ehren hüseren gehalten, ein exempel gestatueret werde. Verclaren sich die E. E. heren, dat sie vör dithmael nitt darin decreteren könen, wile etzliche der E. E. heren absent gewesen, wollen averst hernacher darinne dohn, wat christlich und billich ijs.

3. Darnach wart PETRI LUCANI sake vörgestellt, dewile he siner absentie halven up de citatie nit erscheinen, dat solches so lange moeth uthgestellet werden, beth dat deputati synodi darsulvest erscheinen werden.

14 Gravamen.

4. Dat die provestijen tho ehren verordenten gebuick mögen angewendet werden, umme desto bether ijn kercken und scholen tho bestellen und tho underholden.

Synodus sühet vör güet ahn, dat die E. E. heren Gedep. dat gravamen van die provestien ijn ehre propositie up den landtdach ijn to bringen annehmen wollen.

¹⁾ „vehchuse“ YY hefft „viehuse“. In het origineel kan gestaan hebben vehmhuse, d. i. de weem of pastorie.

Sessio 7 hora 6 antemeridiana.

15 Gravamen.

Offt men up hochfestdage mehr else twe dage predigen sall.

Resolveret synodus, datt solches bij der kerckenordering berouwen¹⁾ sall.

16 Gravamen.

Offt men ock den lüden tho gefalle up Passche edder Pingstdag dat nachtmael uthdeelen möge.

Resolvert syn., dat ein jeder pastoer nha discretie darinne vörfahren möge, und um mehrer stichting nha gelegenheit der personen handeln.

17 Gravamen.

Is bereits darup geresolviret van der eheordeninge.

18 Grav.

Dat ock niemandt möge gecopuleret worden, bevören unde ehe ijn waerheit befunden, dat he gedopet sij, glichfals datt alle ungedöpede und ungecopulerde personen thot den döpe und copulatie magistratus autoritate constringeret mögen werden.

Resol. synod., dat sie solches vor guedt ahnsien.

Und oft tho gedulden sij, dat die prediger ijn der stadt Grönningen ungedopede Mennisten, so vam lande tho ehnen löpen, mögen copulieren.

Resolveren die prediger der stadt, dat se solches niet geweten, vörheten dat sie wollen ijm consistorio anholden, dat men bether upsicht darinne hebben möge, dat mith solchen personen vermöge der kerckenordering mag procederet worden.

19 Gravam.

Van unrichticheit ijn affkundiging und thosamengevinge der jungen ehelüde, dat die vorbaden werde, vornemblich so ahn andern plaetsen geschüeth, alss dar die copulandi ehr waenstede hebben, resol. syn., dat darin gedaen sij.

20 Grav.

Dat die kerckvogeden ijn Umblanden sonderlich ijn vacerenden plaetzen, dar klachten van kahmen, solen gehalten werden ter reckenschop, und offts den collatoren und kerckvogedenn frijsteith die geistlichen landen nha ehrem gudtduncken tho verhören, res. syn., imfall so ijn desen quäestiosen saken klagtenn worden vorfallen, können die classes, darunder ijdt geschüeth, solches ahn die E. E. hern Gedeputerden anbringen, die

1) „berouwen“ YY heeft „beruwen“. Dit kan zijn het duitse woord „beruhen“.

den de collatoren dahin holden werden sowol van verhüringen der landen alls reekenschop te döhnde.

21 Grav.

Vam gnadenjahre, oft solches den wedewen und weisen sall gefolget werden, res. sijno., dat ijm vorgangenen synodo darin geschlaten und effectuert ijs worden, und sall a tempore mortis anfangen und mith discretie framer hertzen darin gedaen worden nha gelegenheit der platze.

22 Gravam.

Dat ock alle kercken und pastorien, so büwfällig befunden werden, dorch die collatoren und kerckvogeden mögen gerepareret worden.

Resolvret synodus, dat dorch deputatos synodi solches ahn die E. E. herenn Gedeput. und ahn borgemeister und raedt deser stadt respective sall gebracht worden.

24 Gravam.

Oft modtwillige dodtschlagers thom nachtmael des Heren mögen thogelaten worden.

Resolvret synodus, soferne ahn den dodtschlager under etzlichen jahren güde indicia warer bothe bliken, dat solches alsden bij discretie des classis und des pastoren ther plaetze sthaen sall.

Sessio 8 hora 2 pomeridiana.

1. Darbenevens kumpt dem synodo klagelick vör, dat ock summige moedtwillige dodtschlagers van den gretemannen geleidet werden.

Resol. synod., dat men bij die heren hövetmannen sall anholden umme darinne tho remedieren. Sint tho dero behoeff affgesonden twe prediger des synodi solches to versoecken, welches geschien. Hebben averst wedder report ijngebracht, dat die heren darinne vorsehen wollen nha geboer.

2. Dat classes mögen gehalten wesen vor dem synodo reden tho geven, oft sie ock censuram gehalten aver diejennigen, so sich mith drunckenheit mochten vörlophen hebben. Hirup classes ordentlich gefraget sinde, hebben bekandt, dat sie solches gedaehn, beropen sich up ehre classicale boken, belaven oick henferner sich unvorwidtlich darin tho dragen.

3. Up angebrachte clage der beiden gebröderen VAN BESTEN aver HERMAN DOENS, kerckvaget tho Petersbüer, dat he ALARDUM VAN BESTEN gegen den pastorem JOHANNEM CONRADI ijn bijwesende DREWES JANSSEN van Werffhusen vör einen schelm gescholden, is darup JOHANNES CONRADI ijn synodum gefordert umme getüchenisse der waerheit darvan to geven. Verclaret dat solches also in veritate geschehen sij, versöken die E. E. heren Gedeputerden wollen hirinne remedieren.

Entlich thom beschluith hebben die gecommittterdenn des collegii van wegen S. G. und der E. E. heren Gedeputerden eine ernstliche vermahning gedahn ahn die jegenwardigen broderen des synodi, dat ein jeder classis wolle dejennen, so ijn ehrem classe mochten ahn drunckenheit unde anderm ungebörlichen levende den weddersakeren und offentlighen vianden der religion grote ergerniss geven, dat sie nu ijn betrachtung deser hogen woldadt, datt unse hoge avericheit den Papisten, Jesuiten und Mennisten ehre exercitia vorbaden, se daher vörmahnen wollen, dat se sich nu jegen desulven in lehren und levende, handel unde wandel also unstraffbarlich verholden, dat S. graffl. Gnade unde die E. E. herenn Gedeputerden solches mith gnadigen und frölichen hertzen van einem jeden hören unde erfahren mögen, welches sie also angelavet.

Up schriftlich ersoeckent der praedicanten uth Nordhollandt, datt men twe predicanten up ehren synodum, so den 15 Junij stylo novo sall geholdenn werden, aversenden solle, sint darthoe vam synodo dorch gemeine stemmen verordineret: D. JOHANNES ACRONIUS, prediger toe Gröningen, et D. JOHANNES SPRENGERUS, prediger tho Upwjrde.

Synodus sehet vor guet ahn, dat men solche personen eligere, so deputati und visitatores classium gelich sin können, umme vörmidinge mehrer unkosten.

Sint dartho vam synodo verordineret: D. ARNOLDUS MARTINI UTHUSIUS, pastor ijn Gröningen, D. SEBASTIANUS HERMANNI, pastor ijn Eexte, D. WULFGANGUS AGRICOLA, pred. in Loesdorp, D. ROBERTUS WIPPINGIUS, pastor in Suedthorm.

Dewile ijm anfang des synodi censura morum gehalten, und wie dhomals also ock nu niemandt straffbärlich befunden, is hirmit mith dancksegginge tho Godt dem Heren der synodus geendiget, und hebben die prediger samptlich unterschreven.

BERNHARDUS THEODORICI NORDANUS, minister ecclesiae Groningensis, synodi
praeses.

ALBERTUS GUILHELMI, in Medis pastor, assessor praesidis.

JOHANNES SCHRODERUS, past. Westerembdanus, scriba synodi.

RODOLPHUS WICHERINGE, senior in classe Groningen.

ROBERTUS WIPPINGIUS.

JOHANNES LAXTEN, p. in Holwjrda.

REMBERTUS A BERUM, senior in Holwerda.

HIDDO LAMBERTI, pastor in Femsüm.

JOACHIMUS Zoor, past. Loppersumanus.

LAMBERTUS HENRICI, Groning. in Wittewirum et ten Post prediger.

ALARDUS BESTEN, ecclesiastes in Petersbüer.

ARNOLDUS REIMBACHIUS, servus Christi in Winsüm.

ADOLPHUS BESTEN, pastor in Wee.

JOHANNES SIGEFRIDUS CUPERUS, ecclesiastes in Griepskerck.

WILHELMUS JOHANNIS, pastor Husinganus.

WESSELUS RODE.

HERMANNUS THEOPHILUS, v. administer.

JOANNES JOANNIS, min. J. Christi in Wagenborgen.

ULRICUS BULTENIUS, p. ijn Haren.

Finis.